



KERATAN AKHBAR

AKHBAR	:	BERITA HARIAN	
TARIKH	:	5/10/2019	MUKA SURAT : 78
JABATAN	:	PERHILITAN	
KLASIFIKASI	:	PERHATIAN	

Syor isytihar perang ke atas pemburu haram

Sedih sekali melihatkan foto bangkai seekor gajah pygmy yang menjadi mangsa kekejaman pemburu haram, yang disiarkan media.

Gajah terbahit ditemukan dalam keadaan 'melutur' bagaikan minta belas kasihan agar tidak dibunuh di Sungai Udin, Dumapas di Kalabakan, Sabah, dengan terdapat kesan lebih kurang 70 peluru tabur di kiri dan kanan badannya. Gadingnya juga hilang akibat dipotong dan dicuri.

Cukup kejam sekali cara haiwan itu diperlakukan. Saya percaya ramai yang marah dan geram dengan perbuatan itu.

Sampai bilakah kita harus melihat pemburu haram ini terus rakus menjarah hutan dan membunuh dan mencuri spesies flora dan fauna di bumi kita. Saya percaya usaha tegas harus digerakkan untuk mengekang kegiatan sebegini.

Di Afrika, perang dilancarkan pihak berkuasa ke atas pemburu haram, dengan teknologi ketenteraan terkini turut digunakan. Hari ini pemburu haram bukan lagi yang memburu, tetapi bertukar menjadi yang diburu.

Kaedah digunakan mereka bukan sekadar melalui pengetahuan hukuman yang lebih berat, malah renjer hutan turut diberikan latihan ketenteraan. Mereka turut dilengkapi teknologi baharu seperti penguna-

an dron dan kamera pengesan, semanya untuk melindungi spesies badak sumbu dan gajah daripada menjadi mangsa pemburu haram.

Apakah tindakan sama juga perlu untuk memerangi pemburu haram di tempat kita. Saya yakin ia semakin menjadi keperluan mengambil kira keadaan bangkai gajah pygmy di Kalabakan itu yang dipenubi peluru.

Pemburu haram sekarang sudah seperti militan. Membunuh sesuka hati dan tidak mstahil, satu hari nanti mereka akan berarah sasaran daripada haiwan kepada renjer hutan.

Dalam hal ini, kita memuji inisiatif penubuhan pasukan petugas terdiri 2,000 kakitangan Jabatan Perlindungan Hidupan Liar dan Taman Negara (PERHILITAN), Jabatan Perhutanan Semenanjung Malaysia (JPSM), Angkatan Tentera Malaysia (ATM) dan Polis Diraja Malaysia (PDRM) untuk menangani pemburu haram khususnya yang menyebabkan kepupusan harimau Malaya.

Pihak berkuasa perlu mengenal pasti lokasi bersilko sering menjadi tumpuan pemburu haram. Jika ancamannya dikenal pasti serius, tidak salah jika bantuan ATM atau PDRM ditagih.

Pencinta fauna,
Raub, Pahang



Bangkai gajah pygmy yang ditemui dengan kesan tembakan. (Foto Jabatan Hidupan Liar)

70 peluru dalam badan gajah pygmy

Polis bantu JHL cari suspek pembunuhan kejam

Kota Kinabalu: Jabatan Hidupan Liar (JHL) Sabah menggugah suspek pembunuh gajah pygmy dan komander gajah pembunuh. 70...

Keratan akhbar BH, Selasa lalu.